



ATASSUT

UKA 2016/124-1

Siverth K. Heilmann

29. 09. 2016

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaata nr. xx, uu. qq 2016-imeersup allanngortinneqarneranik Inatsisartut inatsisaat. (Inatsisitigut piunasaqaataasumik akiuussutissaliineq, nalunaaqutsersuineq nalunaarsuinerlu pillugit allannguutit)

(Aalisarnermut Piniarnermut Nunalerinermullu Naalakkersuisoq)

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaata allanngortinneqarnissaanik imaqartumik Naalakkersuisut saqqummiussaqaarnerat imatut naatsumik ATASSUT-miit oqaaseqarfigissavarput.

Soorunami nunatsinni qimmit aamma qimmit qimuttut nungutaannginnissaannik akiuussusersuinnissamik siunertaqarneq nukinginnartumillu maannangaaq allannguisariaqarnerput Naalakkersuisuni kissaatigineqartoq ATASSUT-ip paasilluarpaa tapersorsorlugulu. Qimmit nappaataannik nalaa-taqaqqittoqariasaarsinnaanera utaqqisinnaanngilarput, aalajangiinissaq nukinginnarpoq.

ATASSUT-miit Naalakkersuisut isumaqatigilluinnarpagut, qimmeq qimuttoq Kalaallit Nunaata oqaluttuarisaaneranut ilaanerarmassuk sulilu piniartunit aalisartunillu piniarnernut piniakkanillu assartuinerlut atorineqartuassasoq.

ATASSUT-miit maluginiarparput, qimmit nappaataannik eqqugaasinnaanerup akiorniarnernani, qimminut qimuttunik savaatillillu qimmiinik akiuussusersuinerit Nunatta Karsianit kisimik akilersorneqassasut, tamanna immiini ajunngissinnaagaluartoq, taamaattoq ATASSUT-miit nappaatinut akiuiniarneq tamakkiinerusumik iluatsissappat, ataatsimiititaliami susassaqaartumi assigiimmik pinnittoqarnissaa siunertaralugu nalilersuilluartoqarnissaa kissaatigaarput.

Taamatut oqaaseqarluta ataatsimiititaliami pitsaasumik paaseqatigiiffiusumillu nalilersuisoqarnis-
saanut angusaqartoqarnissaalu neriuuteqarluta ingerlaqqinnissaanut ATASSUT-miit isumaqataavu-
gut.